

**Maite duzun
Irun
EGINGO
DUGU.**

ehbildu

ehbildu

ETORKIZUNeko IRUN

Zorioneko Irun

Irundarron bizitzak atsegin eta errazagoak izan daitezen lanean dihardugu. Horretarako, lehenetsunez pertsonen ongizatea bermatzen dituzten erabakiak hartu behar dira. Bizimodu osasungarria bermatuko duten hurbileko zerbitzu publikoekin hornitu behar da hiria: kalitatezko osasun-zerbitzuak, kiroldegiak, kultura-jarduerak eta gizarte ongizateko baliabideak. Azken finean, justizia sozialaren printzipioetatik abiatuta eraikiko den babes publikoko sare bat behar dugu, parekideagoa izango den Irun helburu.

Erantzuna behar duten gizarte-erronka garrantzitsuak ditugu. Krisi klimatikoak eta biztanleriaren zahartzeak gure bizimoduak aldatzera behartuko gaituzte, eta aldaketa ororekin bezala, baliatu beharreko aukera berriak zabalduko dira gure aurrean. Hori lortzeko garrantzitsua da proposamen argiak izatea zaintzan, trantsizio energetikoan, ekonomia zirkularrean, berdintasun-politiketan, mugikortasunean, kulturaren edo gizarte ongizate arloan. Hauek guztiak funtsezkoak izango dira datozen urteetan. Tentuz planifikatutako neurriekin soilik egingo diogu aurre etorkizunari.

ehbildu

Gure hiri eredua: Gertutasunaren hiria.

Gure hiriak eta auzoak garai berrietara egokitu behar dira, erronka berriei erantzuteko. Irungo diseinua moldatu eta auzoetan bizia erraztu beharko da, azpiegiturak eta zerbitzu publikoak hauetara hurbilduz. Egunerokotasunean beharrezkoa dena gertu behar dugu, oinez hamabost minututan eskuragarri, kalitatezko bizitzak ziurtatuz.

- Oinarrizko zerbitzu eta azpiegiturak auzoetan. Herritarrentzako Arreta Zerbitzua, Gizarte Ongizate zerbitzua, kirol ekipamendu publikoak (baita estaliak ere) eta kultur eskaintza, besteak beste. CBA liburutegiarekin lotura duen auzo liburutegien sarea bultzatuko dugu.
- Auzoz auzo, hiriaren diagnosi eta planifikazioa egingo dugu, auzo bakoitzean irisgarritasuna eta segurtasuna bermatzeko helburuarekin: argiztatzea hobetu, espaloiak zabaldu eta egokituko ditugu, irisgarritasun zaileko guneak identifikatu eta horietan igogailu eta eskailera mekanikoak jarriko ditugu.
- Auzotarrek elkarrekin bizitza egin ahal izateko espazioak: bizilagunen elkargunea izateko leku estali, edota espazio ireki eta zabalak identifikatu eta sortuko ditugu.

ehbildu

Elkar zaintza, bizitza duin baterako eskubidea.

Gehiago bizi garen heinean, populazioa zahartzen doa. Uneren batean, denok izango dugu zainduak izateko beharra. Pertsonen autonomia maila denboran ahalik eta gehien luzatzeko ikuspegitik erantzun behar diogu errealitate honi, eta ondoren, menpekotasun egoera baten aurrean, bizitza duin bat bermatuko duen zaintza sistemaren bitartez. Zentzu honetan honakoa proposatzen dugu:

- Bizitza osorako etxebizitzak: Bizitza osorako etxebizitzaren proposamenarekin dependentzia egoeran dauden pertsonak etxean bizi ahal izatea bilatzen dugu, bakoitzaren zaintza-behar zehatzak edozein direla ere. Honela, adineko bikote bati beste 10 edo 20 urtez elkarrekin zahartzen jarraitzea ahalbidetzen zaio, une bakoitzean dituzten beharretara egokitutako kalitatezko zaintza emanaz.
- Aukeratu ez den bakardade egoerei erantzuteko auzoetako zaintza zerbitzu bat martxan jarriko dugu.
- Zaintzaileen zaintza: Etxeetako zaintzaileei bideratutako bulegoa sortuko dugu, langileei aholkularitza eta laguntza emateko funtzioa izateaz gain, familia eta zaintzaileen arteko bitartekaritza ere egingo duena. Bide batez, zaindua izango den pertsonak zaintza egokiak jasotzea bermatuko da, eta langilearen lan-baldintzak egokiak direla ikuskatu ere.

ehbildu

Kulturaren hauspotzea, hobetu beharreko ikasgaia.

Eragile kulturelek protagonismo handiagoa hartu behar dute hiriko kultura politikari dagokionez: eragileen arteko elkarlana, zein eragile eta udalaren artekoa bultzatzea ezinbestekoa da.

Bere aldetik, Udalak Kulturaren aldeko apustu garbiagoa egin behar du, herritarrei zein egunerokotasunean kulturarekin lan egiten duten eragileei baliabide gehiago bideratuz. Gure hiriaren kokalekuaren berezitasunak baliatuz gero, lurraldeko kultur erreferentia bilaka gaitzke.

- 🎨 Irungo Kafe Antzokia: Bertako artistentzat eta eskaintza kultural ezberdinetan erreferente diren talde eta pertsonentzat topaleku izango den antzokia sortuko dugu. Kafe Antzokiak kultur eskaintza sendotu eta aberastuko du eta kultur eragileekin batera kudeatuko da.
- 🎨 Kultura auzoetara eramateko programa: Irungo auzoetan ere kulturarentzat azpiegiturak sustatu, Udala, Auzo Elkarte eta artisten arteko lankidetzak, eta urte osoko kultur programazioa.
- 🎨 Txingudiko bailaran Zirkuitu Kulturala: Hendaia, Hondarribia eta Irungo eragile eta Udalekin aliantzak sortuz, eskualde osorako kultur zirkuitu bat martxan jarriko dugu.
- 🎨 Erabilera askoko pabiloiaren proiektua.




ehbildu

Trantsizio energetikoa, ibili beharreko bidea.

Klima aldaketa gizarteak duen erronka nagusietakoa da. Instituzio desberdinek duten eragiteko ahalmena handia da: udalek, herritarraren lehen atea izanik, asko dute egiteko.

Egiteko asko dago eta gure energia-kontsumoa lurraldetu behar dugu, gure kontsumoez ardua hartzen. Gure lurraldean energia sortzeko aukerak aztertu behar ditugu, gaur egun dugun menpekotasuna txikitu eta burujabetzan aurrera egiteko. Horrela bakarrik lortuko dugu energia enpresa handiek botere publikoan duten eraginari aurre egitea.

Hilabetero etxeko fakturak arrazoirik gabe igotzen direla ikusten dugun bitartean, energia enpresen irabaziek ere gora egiten dute. Honi aurre egiteko badira alternatibak.

-  Anaka, Puiana eta Urdanibia auzoetan eguzki-panelen bidez komunitate energetikoa sortzea. Puiana Kaleko Udal lurzatia baliatuz bertako familia eta sektore industrialak batuko ditugu, onura sozial eta ekonomikoak ekarriz.
-  Irungo Energiaren Etxea: herritar, merkataria, enpresa edo bestelako eragileek energia eta kontsumo gaietan aholkularitza eta laguntza jasotzeko ekua izango da, besteak beste.
-  Pobrezia energetikoari aurre egiteko protokoloa abian jarriko dugu.

Kirol Hiria; hirugarren kiroldegitik, kirolaren herrira.

Kirola ongizate fisiko eta mentalaren osagaietako bat da, eta irundar guztiek izan behar dute kirola egiteko aukera.

- Landetxa, Anaka, Belaskoenea, Lapitze, Oinaurre eta Urdanibiako auzoetako hiritarrei zerbitzua emango dien hirugarren kiroldegi bat behar du Irunek, bere igerileku eta azpiegitura estaliek.
- Erabilera askoko pabilioia: Pabiloi berri bat bultzatuko dugu, Irungo klubekin elkarlanean, eskualdeko kirola hauspotzeko.
- Auzoetan kirola libreki praktikatu ahal izateko azpiegiturak bideratuko ditugu.
- Zahartze aktiborako programa: udaletik zahartze aktiboa bultzatzeko urteko jardunaldiak sustatuko ditugu.
 - 60 urtetik gorako pertsonen zuzendutako kirol jarduerak.
 - Irundik barrena: Irungo hiriko eta inguruetako ibilbide atsegini eta irisgarrien mapa.

ehbildu

Gazteen emantzipazioa, bizitza berrien garaia.

Emantzipazioa norberak bere bizitza proiektua osotasunean garatzeko ahalmena da. Irungo gazte askok, aldiz, emantzipatu ezinik jarraitzen dute, eta lortu dutenek, euren soldataren ia osotasuna alokairua ordaintzera bideratzen dute. Instituzioetatik egoera hauei erantzun behar diegu, gure gazteek bizitza proiektu bat hasteko aukera izan dezaten, hitzeman genien bezala.

- Gazteentzako alokairu sozialak.
- Osasun mentalerako programa: 14 eta 35 urteko gazteei bideratutako osasun mentaleko programa abian jarriko dugu, zerbitzu hauetara sarbidea erraztu eta bermatzeko helburuarekin.
- Aisialdi aukera berriak hirian: urte osoko programazio baten bidez, aisialdia eta kultura ekimenak bultzatuko ditugu, gazteak ez ezik, hein batean nagusiagoak direnei ere bideratuak.

Eskualdeko mugikortasuna hobetzeko erronka.

- Eskualdeko autobus zerbitzuak hobetuko ditugu:
 - Irungo, zein Bidasoko autobus linea guztien ordutegiak eta ibilbideak aztertu eta birdefinitu, intermodalitatea ahalbidetzeko
 - Irunbuseko zerbitzuen maiztasunak handitzea, autobus linea guztiek 15 minuturo zerbitzua eman dezaten.
 - Hirian zehar autobusentzako lehentasunezko bideak ezartzeko aukerak aztertuko dira.
 - Irun, Donostiako Ospitale eta zonaldeko industrialdeekin lotzeko linea berriak.
- Aparkaleku disuasorioen azterlana egin, eta aukera egonez gero proiektu bat abian jarriko dugu.
- Bizikletaren erabilera sustatzeko neurriak:
 - Eskualdeko bizikleta elektrikoen zerbitzu publikoa.
 - Bizikletentzako aparkaleku seguruen sarea: Trenbide eta topo geltokietan, industria eta merkatal gunetan, anbulategietan, ospitalean edota eskola inguruetan.
 - Egungo bidegorrien diseinu berria egiteaz gain, Irun eta Hondarribia lotuko dituen bidegorria bultzatuko dugu, Mendelu auzotik barrena.
 - Hondarribia eta Via Irun proiektuaren baitan aurreikusia dagoen geltoki Intermodala lotuko duen bidegorria, San Miguel-Anaka zeharkatuko duena.
 - Familia errentaren araberako bizikleta elektrikoen erosketarako dirulaguntzak.

ehbildu

Balio duenari balioa eman, tokiko merkataritza.

Tokiko merkataritza ezinbestekoa da Irunen zein Gipuzkoa osoan; gure hiri eta herriak ehundu egiten dituen jarduera da, kaleetako bizitza ere bermatzen duena. Irungo merkataritzak iraganean izandako erreferentzialtasuna galdu du, eta hau berreskuratzeko Udaletik ere gaiari eskua hartu behar diogu.

- Egungo egoeraren azterlana eta itxitako komertzioen diagnosia egingo dugu, itxieren arrazoiak zeintzuk diren argitzeko.
- Tokiko Merkataritzaren Plana:
 - Irungo merkatal zonalde nagusietan esku hartze zehatzak bultzatu.
 - Lokal hutsen eraberritze programa.
 - Establezimenduen eraldaketa eta irisgarritasuna bermatzeko ekintzak.
 - Komertzio historikoen zigilua.
 - Urte osoko dinamizazio programa.
 - Auzoetako kontsumoa suspertzeko Irungo auzoetako merkataritza txikiari zuzendutako programa.